

北泉日報 第二百七十一册

宮門

四月二十五日禮部 太宰寺 正紅旗值日無引 見 陳壁前往 東陵食工請 調 荆州副都統松鶴請 訓
新授廣東道吳煦謝 恩 馬吉樟周愛謙會廣銓預備 召見 普豫假滿請 安
召見軍機 松鶴 吳煦 馬吉樟 周愛謙 會廣銓

專電

皖匪復竄江西

安慶電 皖南土匪官軍軍獲六人正法餘匪復竄江西 查此項匪徒已聚集數百人圖聚紅巾衫懸紅布條高扯
順清滅洋旗幟自稱義和團等以仇教為宗旨云

平江匪首被擒

貴州電 湖南平江滋事匪首劉綱已在銅仁府擒獲

黔撫略血

又電 黔撫岑中丞患失血症頗鉅

湖南米價飛漲

長沙電 水勢大米價漲至五兩(係以每石計)公議禁米出口往下游

代論

譚觀察奏上政府處立憲政見書

(續稿)

一日地方自治範圍宜加意擴充務求完備也考立憲政體之起多自小國彼歐洲各國之本境皆不過當我一二省以能立憲而致富強其大國若印度俄羅斯土耳其等皆以不立憲而致敗弱固由人謀之不臧抑地勢亦有以限之矣嗚呼鐵路未開交通未便凡治大國者往往有鞭長莫及之患不得不束縛馳驟此大國所以多不能立憲之一原因也惟美國幅員與我相埒乃自百年前即已爲立憲國則亦有故美國未自立以前凡爲十三邦邦有一政府實十三政府也其各邦自有制度能自治及其合爲一政府則如身使臂臂使指運用綽然無所窒礙後此雖增至四十五邦其所以御之者猶前道也中國與美國雖君主民主國體懸殊而施憲於此而然大國其理無二我國今日鐵路尚未大通各省民風嗜奢甚繁而中央政府亦治於遠鄙其機關未能圓活於此而欲謀善治亦惟於地方自治益加諸意而已地方自治之義近今稍修法學者皆能言之然自治範圍廣狹各國不同英美最廣德次之日本次之英法美各府縣市村之自治其制畧同而美以國境遼廓之故於中央政府與府縣市村之間別有所謂各邦政府者焉每邦之中自有憲法自有議會其體制幾與中央政府埒故史家往往謂美人有兩重政府非過言也考美之各邦其位置約與我之各省正相類我今日講求地方自治其下級之地方如村莊縣府等仿英德日本之制斟酌而損益之亦可以無憾矣獨至一省之自治其地位不得不稍異若徒採日本府縣郡之制以爲主臬未見其能當也勢不可不兼採美國美國各邦權限幾與中央政府中分我國不必如此其重也然一省必須各有本省之議會主協贊督撫一如國會議員之協贊中央政府也一省可以頒布本省之法律但使無悖於國憲可以任因民風以求便宜也一省可以自理本省之財政其租稅但使不逾國稅之半額許由議會決議徵收其公債量其省之力可以負擔許由省會決議募集也其他各種行政事項除軍政外交關稅諸大權具有可以各省分辦而無損於國家之統一者皆宜酌定權限某事歸中央政府某事歸各省自定非徒令各省利便且亦以分中央政府之勞勤也夫如是則以世界一最大國而推行至文明之政體遠近相應大小相維而我中國之憲法寔將爲世界模範矣

(未完)

要緊新聞

商部奏請統籌全局早定路線○日前請准各省鐵路歸各辦以故鐵路往來不能一律誠多不便現商部特具摺奏以各省鐵路宜統籌全局早定路線云聞已奉 旨依議矣

商部奏奉天先設商會○奉天開埠爲期不遠所有招徠商業辦理商務各事宜應先準備以免着着落人之後商部以辦事最要升聯絡而聯絡莫妙於商會因特奏請在奉天先設商會庶辦事時有所着手云聞已奉 旨依議矣

請給湖南總商會關防○自上海廣東天津等處設立總商會後各省商情已有進步各處總商會亦經給有關防俾來往公文較有實據日前湖南總商會亦已成立昨經商部奏請發給湖南總商會關防已奉 旨依議矣

電諭新簡贛撫之傳聞○聞二十二日有 電旨致新簡江西巡撫吳中丞重慶飭令趕緊馳赴新任所有此次南昌教案善後事宜務須隨時電商妥籌辦法至省垣地方必須嚴飭文武官弁妥爲防範勿任匪徒藉端煽惑倘有匪徒散佈謠言與教爲難等情着即從嚴查拿首犯就地正法以固邦交而安閭閻云云聞此電係因數日前接有贛省來電畧言該省地方近日頗有亂耗故有此電云

各使贊議稅務○本日各國公使相約會議對待中國稅務之事查我國此事辦理本亦合宜而外人誤會故多此一番聚議耳

警部擬自設電線電話○巡警部各堂會議以警察之中關係機要事宜最多未便漏洩消息應由本部達至各該總分廳另設電話一與商家電話相通再一部有總轄各省警察之權亦應安置電線即在署內設立電報處一所以昭慎重聞已 諭將即籌請施行云

翰林院有七員游學歐美○翰林院讀講以至編檢等官前經政務處奏准分單保送道府以期疏通業經奉 旨依議聞學部近日有議以翰林各官資格不及保送道府者應將該員分別酌出洋遊學藉資歷練所有出洋人員准由本部發給學費川資及護照等因現在已有編修林開審等七員奉派遊學歐美矣

勇丁實居多數竄敗積習在所難免且所編各軍名目不同(如忠毅等軍名目)編列隊伍亦多與奏定章程不能一律務宜嚴加選汰毋得敷衍所有陸軍營伍應按定章編爲協標營隊等名以昭畫一云云

北洋借撥奉天開辦銀一十萬兩○奉天總將軍前爲奉天開辦商埠事電商袁宮保請由北洋借撥二十萬以爲開辦之需現聞袁宮保昨電致戶部已允由北洋所存津榆鐵路溢利項下撥給奉天二十萬兩分作兩次撥付云云

由戶部撥付十萬未識戶部能照辦否也

提學使未還留學生○簡放各省提學使等情迭紀前報茲聞當時軍情 旨軍內本有留學生七八人 爲首迨 硃筆圈出則皆科舉中人而留學生概未入選云蓋過渡時代凡事不宜太過驚人耳目而留學生才亦宜留以有待也

外部堂官有廓清司員之議○外務某堂官以現時外部各司員辦事皆係開辦辦法所有文字語言悉憑翻譯故也已向政府力言謂將本部丞參或調或放郎員以下多放外官而廓清之另調熟悉語言文字之人入部辦事政府已允聞此議係張元濟條陳而某堂官採用之云

京張鐵路總辦駐京○京張鐵路開辦時設局天津遇事稟承袁宮保辦理近者規模已定總辦陳簡始觀察提督川駐京以資料理下月初即遷局來京云

學使無川人之故○提學使未放時榮尚書令喬樹勳舉其所知喬不舉川人以爲避嫌之計故此次無川人膺選 警部保獎錢能訓二品銜○巡警部日前遞封奏一件聞有附片奏保該部左參議錢能訓襄辦創設警部事宜不無微勞懇請賞加二品銜以示獎勵奉 旨著照所請云

岑督有另案參辦黎國康之電○岑督電以黎國康言擬以黎案參辦黎國康食前次黎黎並革而黎則平日最孚衆望之人故粵人之公憤爲大局者一之十八憐黎亦一之二三至於黎則平日在粵鄉評本乖宦遊閩省官聲亦劣徒以此大爲全省商民代表之故致陷縲絏故一時歡迎之迨釋放以後黎趾高氣揚人望頓失倘再爲岑黎黎心粵人之待黎者無復前時景象矣且黎擁數百萬之鉅富而平日重利盤剝難保無積案之落於岑手若果另參辦亦以可危也

兩湖移節駐漢之不確○日前各報紛紛傳說鄂督有遷署駐漢之事茲得確實消息言日前新任江漢關道陳少石觀察謁見張宮保請示署於漢口辦理張茫然詢陳何所見而云陳答以各報咸載其事張告以此事毫無影響不獨無此舉並無此意不知外間何以有此謠傳云云

鄂督病劇○鄂省官場可靠消息言鄂督張宮保口瘡病復發自十五以後不能見客 肅邸行程紀實○四月初一日由熱河起身行五十里宿高寺台 初二日行三十里午飯於崗子又四十里宿二十家子 初三日早行二十里飯於七家(係喀喇沁右旗轄地)貢王派員在此預備食宿等事又行五十里過卯金場

北來最高之嶺也一上實數八里宿駱駝山子(夜雪寸餘)初四日早行二十五里飯於新店又四十五里至喀喇沁王府之武備學堂宿(此地距府八里地名大四溝)初五日午到府西郊喀喇沁王同各旗王公等設棚迎接跪請 聖安隨員等皆排班侍立獻茶畢然後隨從進府即寓府內隨員人等亦有居於崇止 堂者拉廟者 初六日 白熱河一路食宿皆苦不可言往往借小鋪作行轅 初七日 初八日貢王具官宴相請 隨員等皆入堂有蒙古樂及角抵戲(宴有酒而不食)初九日 初十日觀射貢王又特請肅邸及隨員之舊職者陪觀女學堂及崇正學堂 十一日會各旗王公宣明 諭旨賜宴 約於月望後再啓行北去

譯電

英定殖民地婚娶章程○西歷五月拾八號倫敦電云英殖民地婚娶章程當在上議院第二次宣布時一律認可章程內有不准娶妻之姊妹一條與本國向章相同云

俄民渴望赦典○同日又云俄國議院叩求俄皇舉行赦典一節衆議洵洵情意激切謂俄民望頒赦典有如飢渴不能稍緩頃刻云

商辦建築港澳○同日又電云英國殖民民次官查齊爾宣言星架坡商務公所極力反對建築港澳之舉愛爾蘭公爵大不滿意該商人所爲因工部師已聘定不宜稍事延宕現倫敦暨星架坡正在互商辦法云

英日銀行集股○同日又電 英日銀行集股小引業經頒布擬定資本二百萬磅現所集之數僅得其半云

英大學堂定中國考察政治大臣之學位○同日又電云英國阿斯斐藍(英之 邑)大學堂定期今日(即華四月二十五日)開一評議會以定中國考察政治大臣之名譽學位云

英不承認德國所得口岸○同日又電云英國財政大臣倫士曼在下議院演說謂德國佔得破倫蘭得島(在東南海中坡尼奴島之東南)口岸我英國決不能承認云云

日本會社筵宴英公爵○同日又電云魯利德斯打爾公爵赴日本會社筵宴並受教會款待公爵演說日本軍事等情先著云墨克君及沙施公爵及其他有名譽之日本人中國人均在座陪宴云

摘譯東西各報

關稅為赫德私有產業之駭聞○中國各口岸關稅前均經在各英領事署註冊如赫德私有產業一般現各報評論中國海關稅務均不知有此事徒肆筆舌未中肯綮(譯警衛西報)

三紀西報論海關稅務○英國公使薩道義君詰問小務部云簡派兩大臣接辦海關稅務何以不先行知照又照會要求海關華洋人員以後仍歸總稅務司赫德節制赫德不受兩大臣節制而受外務部監督等語聞外務部答稱本部交涉事繁不能兼轄海關稅務不得已另派兩大臣辦理而歸其責任於戶部亦欲整頓中國財政如英日兩國與中國訂約所云並非別有他意至於赫德任總稅務司可照常辦事兩大臣絕不掣肘等語然外務部雖如此云云而論中明明有華洋人員統歸節制之語則赫德以後所辦稅務兩大臣斷不能不過問非復昔日之受成於外務有名無實也是則兩大臣之於海關稅務誠足以奪赫德之權者矣京華各報均稱道政府簡派大臣收回海關稅務權為措置得宜而不知赫德自任總稅務司以來增進中國歲入款幾逾一半是赫德之關係中國財政決非淺鮮此不可忘者也聞未簡派兩大臣之前德曾向外務部告辭總稅務司之職政府本擬以袁督督辦稅務當時袁督力辭並奏保鐵唐兩大臣可勝此任故於前月九號(西歷)遂奉簡派之命云(譯益聞西報)

通飭各省防亂○聞中國政府電告各省疆吏保護地方治安倘有土匪肇亂務須急調兵隊前往剿辦以防蔓延云

(譯京津泰晤士報)

俄艦由美返國○俄國巡洋艦名連那當日俄戰爭時拘留於舊金山茲聞已行抵西貢滿載煤炭不日將駛回俄國云

(譯警衛西報)

直隸禁民吸鴉片○直隸禁吸鴉片章程業已刷印不日發布聞限一年後凡有鴉片癖者一律戒斷不准復吸未審能實行否(譯京津泰晤士報)

美排中日商人○華盛頓電寶德蘭特港什河德爾港兩處之商店及運送等業欲奪桑港之東洋貿易又美國擬將唐人街(即華人居住之地)移置於寶德蘭特港因此該處華人甚為恐懼云(國民新報)

日本擴張博覽會○日本前擬于西八月一號在東三省開設滿洲博覽會近以奉天開放及其他各種新事現在日本

商界有圖加倍擴大其規模云(大阪朝日新報)

雷諾禁止日本人採伐鴨綠江森林○北洋大臣袁宮保昨日電致外部言日本政府與我中國天津木商合辦採伐鴨綠江森林一節須待至中東兩國協議妥當之期方可議辦現在當禁止日本人採伐該處之森林懇速向日本公使交涉云(大阪朝日新報)

俄國人陰謀連刺喇嘛歸藏○外部昨接駐俄公使胡維德來電言俄國因達賴喇嘛歸藏現在該政府有意派達賴喇嘛之教徒、即俄國人、四五十員與該喇嘛潛入西藏未悉所圖何等事云(大阪朝日新報)

奧設支那銀行○奧大利國政府現於中國設立支那銀行定以前任天津海關稅務司任其總理云(以上日本報俄電)

東洋輪船會購買輪船○據華盛頓消息駐倫敦美國領事昨報告該政府言日本東洋汽船會社為購買美國郵船會社之汽船現募集二千萬磅之公債云

俄國與西藏○駐京俄使璞科第君昨日抵外部謁慶邸盤問中英西藏議約且聲言中國與西藏將特別之權利讓與英國則我俄國亦當要求同等之利益云又聞外間傳說俄國有懷擁達賴喇嘛入拉薩(即西藏噶喇嘛之駐錫處)之陰謀云(大阪朝日新聞北京電)

英美人在滿韓經營○漢城電英美等國人為在滿洲及韓國各地方經營事業現今組織諸種之方針以電氣會社為事業之根本已派技師數員赴韓國內地調查各情形云(中央新報)

中俄議約之停休○中俄議約遷延日月向任東清鐵道之技師長(蝦尼爾)氏以精通滿洲之事情故為璞公使之幫辦員日昨該委暗奉該公使之差遣赴北於哈爾濱地方歡迎此次巡遊蒙古之肅親王又此次由黑龍江將軍所派遣為唐侍郎之隨員孫少蓮(譯音)觀察將有歸省之事一節黑龍江將軍外部之電不意被俄軍電信技師之手失落而未得相通故兩方之事情全被俄人得知大概須待至前記二員之歸京故暫時停止中俄議約之交涉云

時事新報

計設開海鐵道○據南京專函駐日本橫濱中國領事日前向政府奏陳敷設開封至海州之鐵道海部直飭南洋大臣籌理其資本款云(以上時事新報北京及上海電)

張庫鐵道經營○自張口主庫倫鐵道之事業定由官民合辦云 東京朝日新聞北京電

選錄京外各報

廈門流行黑死病○現據廈門發之公電該港自陽四月十八日至於近日因黑死病患亡者每日有八名乃至十名云
東京日日新聞

馬賊侵入東蒙古○近有關東馬賊侵入東蒙古地方此為擾亂該藩屬官廳日昨告急請在京噶爾班王從速歸國云
日本報

發露陰謀○現在俄國莫斯科地方發露有陰謀害海軍大將(杜巴受布)氏者云 東京朝日新聞

俄使之要求○駐日俄使璞科第日昨親抵外部面會中堂要求中英議定之西藏條約當時中堂答言非批准交換之後無論何人皆不得泄漏云 東京日日新聞

贛省不靖○江西省九江府星子縣之羣民現有作亂之舉動故由贛撫派官軍五百名防其禍之未萌云
東清鐵道之將來○關東日本所佔有之東清鐵道現歸參謀本部即於陸軍省撥理其事務就此次改革抑屬

遞信省又或歸新設鐵道院之管理申於日本政府協議此件云 以上日本報電報與新聞

霜災害一千二百萬元○日本福島縣于上月晦間有霜降之災其中被害者以伊達郡為至甚該郡內所稱立子山村
即第一之小村而桑園有一百二十四町九頃一畝二十步之損害價額至萬二千六百餘元總一縣中被害者共
過一千二百萬元以上云 萬朝報

派遣援兵○湖南省岳州府平江縣之匪徒擊敗官軍因此現由鄂督張之洞派派官兵二千名云

關東總督府移駐旅順口○日本所設關東總督府已於陽五月六日移駐旅順口云 大阪朝日新聞遼陽電

奉省擬設品陳列所○盛京將軍趙大帥擬在於奉天設立華產商品陳列所不日即行入奏 時報

黑龍江籌款築路○十七日北京電云黑龍江將軍電稱建造齊齊哈爾至愛理鐵路之款業已籌集當先由齊齊哈爾
至黑龍江一段之工程入手開辦 譯字林報

江西浮梁縣匪黨聚眾滋擾○江西饒州府浮梁縣近日亦有匪黨聚眾滋擾連劫典舖兩家並劫及浮梁縣署景德鎮
向屬該縣亦被騷擾一切商賈在在可危地方無不彈壓饒州府飛報九江道鎮兵彈壓現九江常備軍代統陳
得龍已將常備軍第二營開往該處防堵並捕匪黨 南方報

酌提銅元餘利採銅礦○皖撫恩中丞近奉江督周玉帥咨文署謂江西贛州府銅礦現經派員勘驗蘊藏豐富擬設
局開採茲議於蘇青浦及西皖五處銅元局每月在餘利內提二十分之一作為官股咨請核辦云云當經中丞札飭
藩司遵照詳復 南方報

限制教會置產○日前安慶洋務局以各屬教案層見疊出多係教會置買民產其中不免有盜賣私買情事民教與訟
每緣茲而起且詳撫請通飭所屬嗣後各縣教堂置辦房產應照會同地方官平購其私相售賣未經地方官看
均不得作為憑據以杜民教訟端 申報

蒙古大地震傳聞○大阪日日新聞云得某處電謂蒙古及惠爾恩喀地方有強烈之地震綿亘數里地皆龜裂具龜裂
中湧出各色之水人畜損害屋宇崩頽者無算且此等被害之民甚不易救濟云 時報

俄國實行滿洲殖民政策○東報云俄皇已下詔令關於滿洲軍隊之豫備兵移駐東清鐵道附屬之地作為殖民每豫
備兵一人給地六百平方沙占(每沙占約合中國八尺)移住哈爾濱所屬一帶者每家族發給補助金三百羅布
移住滿洲里車站齊齊哈爾之間者每家族發給補助金四百五十羅布移住哈爾濱波古拉利芝拉耶之間者每家
族發給補助金三百羅布 時報

留日學生監督辭差○江鄂等省留日學生監督李道寶現現有電辭差鄂督已允所請 南方報

蒙王福晉擬赴日留學○土爾扈特蒙王之福晉現擬赴日本留學實踐人女學機 南方報

抵制之效○華盛頓工商部特派專員曼爾斯布爾里爾前往中國考查中國抵制美貨之情形及美國在中國之商業
今由布爾里爾將詳細情形具稟報明工商部據稱中國政府尚未能將抵制美貨之風潮禁絕南清一帶各學堂
仍然研究此事抵制甚堅廣州附近為尤甚香港及廣州兩處之棧房莫不滿貯美貨未能售去廣州一處已存美國
麵粉二十萬包無人過問恐一時尚難恢復舊日之生意也美國之解散抵制美貨會已於西四月二十九日

情形查明外務部之上議院員擬從寬修改驅逐華工之約據其所呈自中國抵制英貨以來麵粉火油兩種大受影響查美孚火油公司所呈一千九百另五年冬季運往中國之火油較諸一千九百另四年運往中國之數已少一兆箱上海一埠美國火油之交易頗為停滯云 新聞報

事件

大清刑民事訴訟法(續) 修律大臣新編

第一百六十一條 公堂覆審後如收回前定判詞或將審封票註銷者本案真實購買產物之人一概不得株累

第九節 減成償債及破產

第一百六十二條 凡欠戶不能將所負各債如數償還可定期邀請各債主會同面陳困苦實情願將所有貨物傢具及產業交出變賣按照各債數目平均減成還了結如有債主不能赴會者將以上情形具函通知

第一百六十三條 如各債主允諾欠戶之請人數過半且所索債數合計已占四分之三無論是否臨會即有議決之權

應書立允諾字據未允諾之債主不得異議該欠戶即具立券約將所有貨物傢具及產業悉行交出以便變賣償債

第一百六十四條 所立券約由欠戶及允諾之各主公同簽押該欠戶立即呈遞公堂存案并附呈清單將貨物傢具產業放出債項及各債主之姓名債數逐一開列

第一百六十五條 各債主應公舉債主或局外一人專司收取放出債項及變賣貨物各項事宜俟所得之款彙齊即按照各債數目代為均平減成償還

第一百六十六條 所立券約一經債主簽押及呈堂立案後各債主俱應遵守凡附單內開列所欠各債即作了結不得再向該欠戶索討

第一百六十七條 凡欠戶無力清還各債或因債被拏及被監禁者可向公堂呈請破產自呈請之日起本人及一切貨物傢具產業即須聽候公堂命令

第一百六十八條 該欠戶須於呈報後三日內或於公堂所准展期內將關於本人財產貨物之帳簿契約合同等件

一併呈交

第一百六十九條 於前條之期限內並將左列各節繕具清單簽押矢誓一併附呈

一 詳記本人姓名事業現時並欠債時住址及何期應還之債項並債主姓名

二 詳記本人現有之貨物傢具產業他時可望有之款項或何種利權經人代理及何人係其欠戶並將此等欠戶及證明此等欠項之姓名住址逐一註入

三 詳記前十二箇月之收支細帳

四 詳記應留為本人並家屬必需之衣服等物及本人工作必需之器具但統值不得過一百圓

第一百七十條 公堂接到呈詞並附呈之清單即可判定該欠戶為破產人或展期判斷亦可

第一百七十一條 凡債主均可呈控公堂請將入戶判為破產人惟必須如左列之數方准呈控

一 債主之索款數在三百圓或三百圓以上者

二 兩債主之索款合計數在四百圓或四百圓以上者

三 債主三人以上之索款合計數在五百圓或五百圓以上者

第一百七十二條 凡欠戶經公堂判為破產人公堂書記官應將該案判詞及破產人姓名事業住址列入本地新聞報紙至少以十五日為限

第一百七十三條 凡欠戶經公堂判為破產人公堂應發護照暫免隨債拘提如已監禁立即釋放此項護照至末次審訊時繳銷

第一百七十四條 凡欠戶經公堂判為破產人應由公堂派員或債主及商會公舉一人代理該欠戶破產一切事務

第一百七十五條 該代理人無論係公堂所派或各債主及商會公舉經公堂認許後應即經理破產之事若事務紛繁准其雇人幫理其工薪及各項費用均由所管項內提支

第一百七十六條 代理人即傳知破產人令將一切財產貨物交出如有不明之處可向破產人隨時查問並可令其幫同收取放出之債項

第一百七十七條 代理人應在本地新聞報紙內布告代理破產事由請各債主將所索欠項證據交出查明

第一百七十八條 收清放出債項及變賣產物後代理人彙齊各款照實欠各債數目按成均平償還各該債主
第一百七十九條 產物變賣後或未變賣之先破產人應親赴公堂聽候末次審訊屆時代理人即將所查明該破
人一切事務及倒債之故並代理時所得款項及原款數目等情當堂詳細中覆
第一百八十條 如公堂查明破產人倒債之故委係運塞所致並無浪費及他項弊竇且破產所得之數足償各債十
分之五其餘債項公堂可判令豁免

中國海關所用華洋人員總數

文匯報云中國海關辦理得宜實可以之自傲赫德主持其事已歷四十餘年中國應感激之初次當稅務司之任者為
雷君彼至一千八百六十三年即退任自後即歸赫德管理綜計中國各海關所用華洋人員共一萬零七百五十三人
稅務部中在關內辦事者八百六十九人在關外者二千八百九十八人在海口者六百九十二人以上共四千四百八十
六人航海部中西人九十六人華人五百六十八人西人中工程師居七人守口司三十八人燈塔司五十八人學務部中西
人僅有一人即在廣東同文館中者郵政部中共四千五百零四人其中西人居八十七人華人居四千四百七十七人計
中國一年中海關去年通出口貨物所值共有六白七十五兆兩稅務部所用司員五千五百九十三人已甚節省在
關中各總稅務司一人副稅務司一人各關稅務司三十四人各關副稅務司二十七人幫辦長三十三人頭等幫辦三十
三人二等四十八人三等五十六人四等八十七人書手六人庶務司六人醫生三十七人存關外者驗潮長六人驗潮司
二十一署理驗潮司五十五人辦驗潮司十二人署理幫辦驗潮司兩人管駕船司十二人幫辦管駕船司八人幫辦
長十一人幫辦驗潮司七十三人幫辦驗潮司一百零七人署理幫辦驗潮司五十五人署理巡江司三十九人二等六十一人三
等一百八十二人署理巡江司五十七人巡查司五十八人查驗司七人額外巡查司十六人女巡查司一人碼頭司五
十六人海口部中指揮司八人頭等大副十人三等十九人頭等工師十人二等工師十一人三等六人砲手兩人小
輪管駕十七人中國寫字四百三十一人其月薪自二十五兩以至二百五十兩不等文匯報四百四十二人月薪自十五
兩以至七十兩不等關外華人共二千八百九十八人其中秤手四百三十九人駕船以看守者一千一百二十七人
班聽差走信等三百三十九人寫字房細總辦夫閹人查夜等五百二十三人印工木工水夫等四百七十七人稅務部共

四十艘內有大輪六艘小輪四艘又小輪二十一艘帆船九艘工程中有工程長一人副工程師一人寫字三人技師
一人畫師一人港口部中有查驗長一人副查驗司兩人船頭司二十五人幫辦船頭一人查驗司六人寫字三人測
司三人畫師兩人潛水人三人傳號三人水捕頭兩人三畫水捕四人水捕十二人船房寫字五人燈塔部中有稽
司一人燈塔長十人守塔西人五人華人二百四十四人巡捕木工等三百一十一人赫德兼管郵政故部下更有郵政
理一人協理一人幫辦兩人郵政分司三十五人幫辦郵政司三人巡查七人合共四千五百零四人此外更有信夫一
千四百七十七人聽差及役人等一千零五十四人以上情形外間知之者鮮今發表之固眾人所急欲一觀之以見其
者也

奏稿

兵部謹 奏為聲明請 旨事准內閣抄出直隸總督袁片奏無極縣戶村文生田實訓捐設該村私立小學堂一所並
園地莊基房屋及操場等項估計銀三千兩請由文生獎給監生知府職銜並戴花翎貢生田實堅武生田實錄共捐助
該 開辦經費銀三百兩請將田實堅由貢生獎給布理問職銜田實錄由武生獎給千總職銜又片奏威縣縣紳
等小學堂撥紳富衛千總銜呂書田倡捐銀一千五百兩請由衛千總銜獎給布理問職銜文童王振邦倡捐銀一千一百
兩請由文童獎給監生 同知職銜武童田懷志倡捐銀四百四十兩請由武童獎給監生守備職銜各等因二片於光緒
三十二年 月十八日均奉 硃批着照所請該部知道欽此欽遵抄出到部除文職應由吏部辦理外查臣部於光
緒三十一年六月十六日奏請將武職捐輸田實錄官虛銜封典及捐復銜翎所有一切捐項一律停止業經奉
允准通行在案今該督以衛千總銜呂書田實錄武童田懷志等捐助學堂經費核給獎敘雖與臣部奏案稍有未符
查所請係由武生武銜加獎職銜究與運行報捐者有別恐各省踵接相引是名為停止武捐實官又開一捐輸端
似不得不據實聲明以重軍職除此大業經遵 旨註冊外嗣後所有捐助學堂及各項經費應援上年六月奏停
武職捐輸成案不得請獎官虛銜等項以符定章并不得援引此案為例如蒙 俞允即由臣部通行各省一體
遵照辦理所有聲明武職停捐奏案緣由是否有當伏乞 皇太后 皇上聖鑒訓示謹 奏光緒三十二年
年四月初二日奉 旨依議欽此

戶部議 奏為遵 旨議奏事江西巡撫胡廷幹奏關徵稅貼情形和盤托出請定稅額一摺光緒三十一年
 月十一日奉 硃批戶部議奏欽此欽遵由內閣抄出到部查原奏內稱贛關徵收常稅自二十九年閏五月十六日
 起至三十年五月十五日止短收盈餘銀兩經戶部擬請免其賠繳并行令將贛關徵稅事宜澈底清查如果積重難返
 陋規痼習不能破除應即改章徵收力圖補救臣等即遵派道員張孝榮前往該關確查茲據稟稱 贛省稅向以絲茶
 為大宗自各口通商以後凡洋廣川楚閩浙蘇皖往來營運之貨商人皆用輪船裝載不從關驗經過湖絲則歸滬關代
 收茶葉則分釐徵然光緒二十六年以前之不聞賠累者初則因滬關代徵絲稅收數較旺繼則因關屬釐金及土
 藥膏捐均歸關道經理堪以挹彼注茲近年釐金土藥均以派員專辦滬關絲稅又因洋商收買乾繭年短一年雖光緒
 二十七年以後每年由稅務總局在外銷款內籌給該道津貼銀一萬兩并將該關每年報効經費撥充匯豐磅價銀一
 萬兩亦由稅務總局代為籌解然二十八年關期屆滿前道元彬尚賠解正稅銀一萬四千餘兩二十九關期屆滿
 劉前道心源又賠解正稅銀一萬七千餘兩三十年關期屆滿江道毓昌亦賠解正稅銀一萬七千餘兩職道細心
 訪查委無徵多報少書役中飽情弊出具切結稟請核辦前來查吉南一帶連閩粵民風強悍非得精明強幹之
 員巡防鎮撫良民即難耕鑿相安該關道江毓昌自到任以來除暴安良不遺餘力現在該關道因經徵關稅賠累不堪
 屢次力求交卸惟有將稅收短絀及歷年賠貼情形和盤托出懇將贛關常稅除滬關代徵絲稅外准以光緒三十年五
 月十六日起至三十一年五月十五日關期屆滿之日止所徵正絲各稅銀二萬七百二十一兩八錢五分暫為定額其
 餘不足之數免予賠繳此後該關稅務改由統稅委員代徵代解庶該道得以專心民事於地方大有裨益等語臣等伏
 查該關原定正額銀四萬六千四百七十一兩五錢五釐盈餘銀三萬八千兩二共應徵銀八萬四千四百七十一兩五
 分五釐同治年間關短收尚少故每次減免八九成不等嗣因收數遞減賠數即逐漸加增光緒二十七八九年每年
 屆短收銀一萬七千八百九兩不等均經臣部奏請減免五成五釐七毫其餘剩減銀數該關道照數賠繳光緒二十年分
 關懲收正耗以及江海關代徵絲稅共銀三萬九千九百五十五兩二錢八分三釐又由關道賠完銀一萬七百二十
 六兩七錢五分核計短收銀三萬三千七百八十九兩二分二釐當經臣部議以該關虧短數目惟絲稅為最多而絲稅
 一項該關並不經徵所有短收銀兩擬請從寬免其賠繳并請 飭下該撫將贛關徵稅事宜澈底清查力圖補救等
 因奏准行知遵照在案今據該撫奏陳贛關徵稅貼情形並懇准予酌減定額改歸稅務局代徵等情查各關正額盈

餘載在臣部則例其數目皆由 欽定登容輕議更張且三十年分短徵之數已免賠貼所以體恤該關者實不為少
 至此屆該撫既力陳其為難情形臣部亦祇能參照上案酌量辦理未遑格外通融過示寬大等因所有贛關
 稅務應照三十年分除江海關代徵絲稅不計外本關徵收數目合之四項賠繳數目計共銀三萬一千四百四十八兩
 六錢尚不及原定正額盈餘之半擬即暫以此數為比較不准再有短徵以示限制該撫既以稅務局代徵為宜自應准
 其照辦惟事權如何統屬考成如何担荷亦應預為釐定以重職守至絲稅向由江海關代徵應即剔出歸道專辦惟
 近年絲稅徵收短絀較之從前已差兩三倍應請 旨飭下兩江總督將此項絲稅每年究竟徵銀若干澈底清查奏
 明嚴定比較以後如有虧短應著落江海關道照數賠繳以專責成再贛關稅務已改歸稅務局代徵暫定比較其絲稅
 亦剔歸道專辦所有該關正額盈餘應俟三年後再計收數再行請 旨欽定稅額以昭慎重所有臣等遵議緣由理
 合恭摺具陳伏乞 皇太后 皇上聖鑒訓示遵行謹 奏請 旨光緒三十二年四月十四日具奏奉

旨依議欽此
 戶部片 奏再查近年京餉均於辦理初限時續請添撥銀一百萬兩上年因部庫放款浩繁當將三十一年續撥京餉
 於四月間奏請添撥在案現在庫款益形支絀若不照案添撥深恐不敷開放臣等體察各省關緩急情形援案指撥銀
 一百萬兩另繕清單恭呈 御覽應請 旨飭下各該將軍督撫轉飭藩司運司鹽道監督等各將此次續撥本年
 京餉均於五月初解到一半十二月初間如數解齊各該督撫等務須其體時艱顧全大局依限提前完解倘藉詞諉卸
 或率請劃撥截留以致貽誤開放各項要需臣等定行照章指名奏參以重庫款所有照案續撥本年京餉緣由理合附
 片具陳伏乞 聖鑒謹 奏光緒三十二年四月初四日奉 旨依議欽此 謹將續撥光緒三十二年分京

- 計開
- 山西地丁銀五萬兩
 - 山東地丁銀五萬兩
 - 湖南地丁銀五萬兩
 - 江西地丁銀四萬兩

兩淮鹽課鹽釐銀八萬兩
 長蘆茶工加價銀五萬兩
 江蘇鹽金銀十二萬兩
 安徽釐金銀九萬兩
 湖北鹽釐銀五萬兩
 四川鹽貼銀九萬兩
 鹽釐銀一萬兩
 江海關存稅銀八萬兩
 九江關常稅銀十萬兩
 贛關常稅銀一萬兩
 蕪湖關常稅銀一萬兩
 洋稅一萬兩
 以上共銀一百萬兩

文苑

盤古村

神州盤古古乾坤地老天荒尚有村九點齊煙雲黑夜萬腔繡壤月黃昏混沌山合時影凹凹河山斧鑿痕為問陽精
 陰濁後三皇遺老幾人存

遊十刹海弔李涯翁

梁溪照蔣萬里近稿

漱澗明湖一鏡開漫遊誰弔相公來廟堂一代文章伯樂府千秋著作才
 時南下草綠單於萬里臺（末二句翻用公春興詩意）

平泉虛竹石故園喬木委蒿萊如今翻為